



Inatsisartunut ilaasortaq Suka K. Frederiksen, Siumut

Maani

Nunalerineq pillugu § 37 naapertorlugu apeqquut nr. 164-mut akissuteqaat

Inatsisartut suleriaasianni § 37, immikkoortoq 1, naapertorlugu Kalaallit Nunaanni Nunalerineq pillugu Naalakkersuisunut arfineq pingasunik apeqquaqarputit. Apeqquutit uannut akisassanngorlugit innersuunneqarsimapput.

1. *Nunalerineq pillugu nutaamik aaqqissuusseqqinnissamut suleriaaseq qanoq ittoq ingerlanneqassava?*

Nunalerineq pillugu Ataatsimiititaliarsuup Isumaliutissiissutaa Naalakkersuisuni oqaluu-serineqarsimavoq tusaatissatullu tiguneqarluni. Isumaliutissiissummi inassutigineqartut qulequttanut immikkoortunut pingasunut immikkoortinneqarput:

- a. Inatsisiliornikkut suliassat.
- b. Aningaasaqarnikkut suliassat.
- c. Aningaasartuutikillisaanermik iliuuserineqartussat.

Naalakkersuisut isumaqarput suliassanik taamatut immikkoortiterinikkut isumaliutissiis-summi inassuteqaaterpassuit amerlanerit ilanngunneqartut. Immikkoortut pingasut eqqarsaatigalugit pingaarnersiulluni allattuiffiit suliarineqareerput. Naalakkersuisut aammattaaq isumaqarput inassuteqaatit ilaat kommuninut peqatigiiffinnullu suliassiis-sutitut inissitaasut. Angusassat pitsaanerpaat angujumallugit kivitseqatigiinnissaq ata-qatigiissaakkamillu suleqatigiinnissaq pisariaqarpoq.

a) pillugu. Inatsisiliornermut atatillugu Nunalerinermut Naalakkersuisoqarfimmi nalu-naarutit aamma nunalerineq pillugu Inatsisartut inatsisaat 1996-imeersoq annertuumik nutartertariaqartoq nutarterlugit aallartereerput. Nalunaarutit tamarmik nutaanngili-nikuupput taamaattumillu sukumiisumik nutartertariaqarlutik. Taassuma saniatigut nalu-naarutit allat nutaat suliarineqassapput. Nalunaarutit marluk APNN-miit tusarniaassutigi-neqarput taakkulu Naalakkersuisunut ukiau inatsisilerituunit misissorneqareerpata apeqquutillu allat akineqareerpata nassiunneqarnissaat naatsorsuutigineqarluni. Maan-nakkut nunalerineq pillugu Inatsit attuumassuteqartullu nalunaarutit tamanut tusarniu-tigineqartussat suliarineqarput. Sulinermi pingaarnersiulluni allattuiffik malinneqassaaq.

b) pillugu. Aningaasaqarnikkut iliuuserineqartussat pillugit ilassutitut 6 mio. kr.-it sulini-utinut nutaanut sillimmatitut inissinneqartut nunalerinermut atugassanngorlugit Naalak-kersuisunut akuersissutigineqaaqqammerput.

Nunalerinermut Siunnersorteqarfik aamma Kommune Kujalleq qanimut suleqatigalugit 6 mio. kr.-it pineqartut qanoq atorneqarnissaat pillugu pilersaarut qulaatigoornerusoq

02. juli 2015
Sagsnr. 2015-116289
Dok. Nr. 2009876

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

APNN-imit suliarineqarpoq. Suleqatigiit ilassutitut aningaasaliissutit Naalackersuisuniit taparserneqartut pingaarnersiuiinikkut qanoq atornissaat tunngaviusumik isumaqatigiisutigaat. Savaatillit Peqatigiit Suleqatigiissut (SPS) 29. august-mi 2014-mi pingaarnersiuiineq pillugu nalunaarutigisaat ukuupput:

1. Uumasuusiviit sananissaat aserfallatsaaliinissaallu, natii ilanngullugit.
Konto pingaarneq 51.07.42.
2. Savanik piaqqiortunik pisiortornissaq. Konto pingaarneq 51.07.42.
3. Narsaatinut aqquserngit narsaatillu allineqarnissaat.
Konto pingaarneq 51.07.40.
4. Naatitsiviit allineqarnissaat. Konto pingaarneq 51.07.42.
5. Nukissiutunik ataavartunik atuinerulernissamut suliniutit.
Konto pingaarneq 51.07.42.

Nunalerinermut aningaasaliissutit inuiaqatigiinnut kingunissai pillugit misissueqqissaarnissamut 500.000 kr.-it immikkoortinneqarnissaat Aningaasaqarnermut Ataatsimiititalia- mit akuersissutigineqarpoq.

Konto-mi pingaarnermi 51.07.40-mi Taarsigassiaritit ernialersugaanngitsut akilersuuti- taqanngitsullu aningaasaliissutit 2.500.000 kr.-nik qaffanneqarnissaat aammattaaq akuersissutigineqarpoq kiisalu konto-mi pingaarnermi 51.07.42-mi Taarsigassarsiat erniallit 3.000.000 kr.-nik qaffanneqarnissaat.

APNN-miit naatsorsuutigineqarpoq pingaarnersiuiinerit assingusut ukiuni missingersuu- siorfiusuni piumaartut pissutigalugu uumasuusiviit nutaat, natii, illuliassat, maskiinat kiisalu savat piaqqiortussat nutaat ukiuni arlaqartuni ingerlasussaammata savaatillillu 10%-nik namminneq aningaasaliissuteqarlutik.

c) pillugu. Aningaasartuutikillisaanermik iliuuserineqartussat pingaaruteqarluinnarput pingaartumik aningaasakillisaanerup nalaani. Naalackersuisut nukissiuutit ataavartut pissarsiarinissaannut tapiillutik taarsigassarsisitsillutillu aallarereerput soorlu erngup nukinganik nukissiuuteqqat aamma seqerngup nukinganik nukissiuutit eqqarsaatigalugit. Soorluttaaq naatsitsiviit pissarsiarinissaat aamma tapiiffigineqartartoq naatitanik imminut pilersornerulerneq taamaaliornikkut annertusarumallugu. Narsaatit pilersinneqarnissaat allineqarnissaallu aamma narsaatinut aqquserngit pingaaruteqarpoq aningaasaliiffigis- sallugit siunissaq eqqarsaatigalugu. Savaatillit ataasiakkaat kisiisa eqqarsaatiginngik- kaluarlugit kisianni nunalerineq tamaat takornariaqarnerlu aamma eqqarsaatigalugit. Isorliunerusut aqqusiniornikkut illoqarfinnut nunaqarfinnullu attavilerneqarsinnaapput usinillu allanillu assartuineq aqquserngit imaluunniit ikaartarfiit nutaat tallineqarsimasullu aqqutigalugit ingerlanneqarsinnaassaaq.

2. *Nunalerinermut tapeeriaatsit nalilersorneqarniarpat/allanngortinniarneqarpat?*

Tapiissuteqarnermi periuuserineqartut nunalerinermik inuussutissarsiornerup si- uarsarneqarnissaa pillugu inatsisiliornikkut 2009-mi nutarterneqarput. Inatsit taarsigas- sarsineq pillugu sulianik torersaanermut atorluarneqarsinnaavoq ilutigalugu siunissami taarsigassarsinerit ikitsuinnaanissaat aammalu angusaqarluarfiusut siunniunneqarmat.

Allannguinnissat ataasiakkaat pisariaqarsinnaapput. Attuumassuteqartut akornanni su- leqatigiiffieqqamik pilersitsisoqarsinnaajumaarpoq taakkulu inatsisit 1996-imeersut

2009-meersullu nutarternissaat APNN-milu, Nunalerinermut Siunnersorteqarfimmi kiisalu Kommune Kujallermi misilittakkat misissussavaat.

3. *Savaateqarneq nersutaateqarnerlu annertusarneqarniarpa?*

Naalackersuisut savaateqarnerup imminut napatissinnaanissamut assut ineriartortik-kumavaat aammalu annertusarumallugu taamaalilluni siunissaq eqqarsaatigalugu pisortanit tapiiffigineqarnissamut pisariaqartitsineq annikillisarniarlugu. Nunalerineq pillugu Ataatsimiititaliarsuup isumaliutissiissutaata ajoraluartumik takutippaa uumasuusiviit natiilu, inuussutissarsiornermi illuutigineqartut kiisalu nunalerinermi maskiinat pisariaqartineqartut piffiit ataasiakkaat eqqaassanngikkaanni ukiuni qulikkaani arlalinni ineriartorsimannngitsut, allineqarsimanatik aserfallatsaalineqarsimanatilluunniit. Neqi A/S ingerlalluassappat uumasut toqoragassat ilaneqarnissaat pisariaqartinneqarpoq. Tamannalu aatsaat pisinnaavoq savaatillit uumasunik toqoragassanik Neqi-p pisinnaasaanut naapertuuttumik minnerunngitsumillu pisiassanik piumasaqarnermut naammattunik pilersuisinnaalerpata.

Naalackersuisut nersussuaateqarnerup allanillu uumasuuteqarnerup ineriartornissaa annertusarnissaalu tikilluaqqujaannarumavaat pissutigalugu suliniutigineqartut imminut pilersornerulernissamik siunertaqarmata. Ineriartornerli annerusumik imminut napatissinnaanermik tunngaveqartariaqassaaq. Naalackersuisut eqqumaffigaat nersussuaateqarneq suli ineriartortoq aatsaallu maannakkut aallartisarneqalersoq. Allanik uumasuuteqarnerit eqqarsaatigalugit kommunimiit imaluunniit SPS-ip tungaaninngaaniit arlalinnik misissuisoqarpoq, Naalackersuisut tungaanniit malinnaaffigineqartut.

4. *Annertusaasoqassappat / annikillisaasoqassappat qanoq periuseqartoqassava?*

Siullertut Naalackersuisut isumaqarput inuussutissarsiornerup ineriartinneqarnerani nunalerineq nammineerluni siuuttuusariaqartoq. Naalackersuisut pisinnaasarput tamaat atorlugu ineriartornissamut sinaakkutissat pilersinniarpagut. Naalackersuisut aammat-taaq suliniutigivaat savaateqarfiit amerlassutsimikkut ikileqqinnissaata pinaveersaartin-nissaa.

5. *Aatsitassarsiortoqalerpat, qanoq iliornikkut qulakkeerniarneqassava aatsitassarsiortut inuussutissatigut Nunatta pissarititaanik tunisassiortut tunisassiaanik atuinissaat?*

Naalackersuisut maannakkut Kuannersuit imaluunniit Killavaanut tunngatillugit nerissasat tunisassiarineqartut pillugit oqaaseqarsinnaanngikkallarput. Kuannersuit pillugit nalunaarusiaq IBA naammassineqanngilaq suli.

6. *Nunalerineq pillugu ataatsimiititaliap isumaliutissiissutaani ajornartorsiutit taakkartorneqartut qanoq pingaarnersiorlugit sulisoqarniarpa?*

Apeqqummut nr. 1-mut akissuteqaat malillugu SPS-miit, Siunnersorteqarfimmiit kiisalu Kommune Kujallermiit siunnersuutigineqartoq Naalackersuisuniit taparserneqarpoq soorlu 29. augustimi 2014-mi avammut nalunaarutigineqartoq. Pingaarnersiui-nerit nunalerinermik ingerlataqartut toqqarsimasaat Naalackersuisuniit taparserneqarput. Taassuma saniatigut Naalackersuisut isumaqarput savaatillit nammineq akiliuteqarnikkut ilas-

sutitut aningaasaliinerit iluaqutigalugit periarfissarsiorniartut inissaqartariaqartut. Pisari-aqartitsinerpaat aallaavigalugit tulleriiaarisooqarsinnaavoq, kisianni savaatilik 10%-nik nammineq akiliuteqarsinnaanngippat tullia pineqartariaqassaaq.

7. *Nunalerinermi politikkilliortoqarniarpa?*

Naalackersuisut Nunalerineq pillugu Ataatsimiititaliarsuup isumaliutissiissutaa tusaatis-satut tiguaat inassutigineqartullu malitseqartinniarlugit ingerlateqqikkumallugu. Maan-nakkut nunalerineq pillugu allatamik politikkeqanngilaq. Naalackersuisooqatigiinnissa-mut isumaqatigiissummi nunalerineq pillugu oqaasertaqarpoq taakkunungalugu innersu-ussisoqarluni. Politikkip ilamerngi assersuutigalugu SPS-imut angusaqarnissamut isu-maqatigiissutaanniittut kiisalu aningaasaliissutaasut atorineqarnissaat pillugu tulleriiaari-nermiittut oqaatigineqarsinnaavoq.

Qulaatigoornerusumik siunertaavoq nunalerinerup ineriartortinneqarnissaanut periarfis-sat isumannaallisarneqarnissaat tamakkulu nungukkiartuutaanngitsumik ingerlanneqar-nissaannut tunngavissaliinissaq ima iliornikkut:

- 1) nunalerinikkut inuussutissarsiutit siunertamut naleqquttumik ineriartortinneqarnissaat qulakkeerlugu inuussutissarsiutinilu taakkunani unammillersinnaassuseqarnerup anner-tusisinneqarneratigut, aamma
- 2) narsaatit, neriniartitsiviit nunallu pineqartut iluatinnaataasa nakkutigilluarneqarneri-sigut, taamaalilluni nunalerinermik inuussutissarsiuteqartut aningaasarsiornikkut so-qutigisaat aammalu avatangiisit paarineqarnissaat salliutinneqarsinnaaqqullugit, taamatuttaaq inuussutissarsiutigalugu ingerlatanut allanut naleqqiullugit, aamma
- 3) nunalerinermut tunngatillugu nunaminertat atorineqarsinnaasut illersorneqarsin-naasumik iluaqutigineqarnissaasa isumannaallisarneqarnerisigut, kiisalu
- 4) uumasuutit naammaginartunik atugaqartinneqarnissaasa qulakkeerneqarnerisigut.

8. *Upernaviarsuk immikkut aaqqissuussiffigineqarniarpa?*

Upernaviarsuk marlunnik immikkoortortaqqarfeqarpoq: Nunalerinermik Atuarfik aamma Naatitsivik misileraavik ilanngullugu. Immikkoortortaqqarfiit taakkua ingerlatsisoqarfiup-put. Misileraavik aamma Naatitsivik Nunalerinermik Siunnersorteqarfimmiit inger-lanneqarput. APNN-ip SPS ukiut tamaasa nutarterneqartartumik isumaqatigiissuteqarfi-gaa tassanilu Nunalerinermik Siunnersorteqarfiup Naatitsiviup/Misileraaviup inger-lanneqarnissaat pineqarluni. INUILI Nunalerinermik Atuarfimmu akisussaassuseqarfit-tut toqqarneqarsimavoq.

Inuussutissalerineri nalinginnaasumik nunalerinermilu pisinnaasaqarnerup qaffas-sarneqarnissaanik kissaateqarnerup malitsigisaani Nunalerinermut Siunnersorteqarfik pilersinneqarsimavoq. Siunnersorteqarfiup siunertaraa nunalerineri nalinginnaasumik pisinnaasaqarnerup ineriartortinnissaa tamannalu siunnersuineq aamma ineriartorneq aqutigalugit anguneqassalluni.

Nunalerinermut Siunnersorteqarfimmut isumaqatigiissut SPS-imut isumaqatigiissutigi-neqartarpoq taamaaliornikkut Siunnersorteqarfiup sulinera inuussutissalerinermik inger-latsisut peqatigalugit ingerlanneqarnissaa anguniarlugu.

Siunnersuineq pingaarnertut makku siunertarai:

1. Savaatillit aamma nersussuaatillit pisinnaasaasa nukittorsarnissaat.
2. Inuussutissarsiornerup ingerlanneqarnerata ineriartortinnera atortunillu pisarsiornermi aammalu ataavartumik aserfallatsaaliinissaq eqqarsaatigalugit.
3. Namminersortutut inuussutissarsiornikkut aammalu inuussutissarsiummik ingerlatsinikkut nalinginnaasumik allaffissornikkut suliassat eqqarsaatigalugit.

Nunalerinermut Siunnersorteqarfik pillugu anguniagassat tamakkiinerusut tassaapput nunalerinermik ingerlataqartut siunnersorneqarnissaat kiisalu nunalerinerup ineriartortuarnissaanut atatillugu ineriartortitsinermik misileraanermillu suliaqarnissaq.

Nunalerinermut Siunnersorteqarfiup ukiuni aggersuni anguniagassai:

1. Savaateqarfiit nersussuaateqarfiillu sanngiinnerpaat eqqarsaatigalugit aqutsinikkut Nunalerinermut Siunnersorteqarfimmiit immikkut nukittorsarnissaat.
2. Savaateqarfiit nersussuaateqarfiillu nukittunerit sanngiinnerillu Nunalerinermut Siunnersorteqarfimmiit immikkut aalajaallisaanissaat.
3. Naatitanik Kalaallit Nunaanneersunik tunisassiornerup Nunalerinermut Siunnersorteqarfimmiit ineriartortinnissaa kiisalu nunalerinermik ingerlataqartut akornanni misilittakkanik siammarterineq.
4. Nunalerinermut Siunnersorteqarfiup siunnersuineq pimoorullugu ingerlatissagaa savat piaqqiortunut sanilliullugit savaaqqat, nersussuit kiisalu tuttuuteqarnermiit tuttuut tunineqartartut amerlinissaat anguniarlugu.

Siunnersorteqarfiup suliassai tasaanerupput nunalerinermik ingerlataqartut suliassat pillugit suliassaqarfiisigut allaffissornikkullu siunnersorneqarnissaat.

a. Aaqqissuuseqqinniartoqanngippat sooq?

Siunnersorteqarfik aamma Naatitsivik/Misileraavik eqqarsaatigalugit pilersaarusiorneq siunnersorteqarfiup ataani pisarpoq tassanilu aamma isumaqatigiissutip siunertai anguniagaalu isumaqatigiissutigineqartut qulaani allaatigineqartut ilanngunneqarlutik.

Nunalerinermik ilinniartitaaneq pillugu pilersaarutit eqqarsaatigalugit akissuteqaammut ilanngussamik ilinniartitaanermut Naalackersuisoqarfimmiit nassiussisoqarumaarpoq tassanilu Nunalerinermik Atuarfik INUJIL aqutigalugu akisussaaffigineqarluni. APNN piffissap killissarititaasup iluani akissuteqaammut ilanngussamik tigusaqarsinnaasimangilaq.

b. Aaqqissuuseqqittoqarniarpat qanoq?

Nunalerineq pillugu Ataatsimiititaliarsuup Isumaliutissiissutaani Nunalerinermik Atuarfiup aamma Nunalerinermut Siunnersorteqarfiup ineriartoqqinnissaat inassutigineqarpoq. Nunalerinermut Siunnersorteqarfiup ineriartoqqinnissaa eqqarsaatigalugu Naalackersuisoqatigiinnissamat Isumaqatigiissummi ilanngunneqareerpoq. APNN pineqartoq pillugu siunissami misissuiniarpoq suliassat allat nukinginnarnerusut suliarineqalereerpata.

Nunalerinermik ilinniartitaaneq pillugu inassutigineqartut misissorneqarnissaat piffissaalerpat pilersaarutaavoq APNN-ip ilinniartitaanermut Naalackersuisoqarfik saaffigisallugu.

Kingullermik SPS-ip ataatsimeersuarnerani nalunaarutiginiuuara savaatillit pisin-
naasaqarnikkut ineriartoqqinnissaat pisariaqartoq ilinniartitaaneq atortullu ullutsinnut
taamaalillutik naleqqunnerulersillugit maannakkut siunissamilu nunarsuarmi tamarmi
nunalerinerup ineriartornera aamma eqqarsaatigalugu.

Inussiarnersumik inuulluaqqusillunga

Karl-Kristian Kruse